

بالجمله محررات در سعادت پوسته خانه سنه
تصوف جریده سی نامه کوندر لیلیدر
قوطو نومروسی ۱۴۲

شرائط اشترا

سنه لکی ممالک عنایه ایچون
۳۰ غروش ، مصر و ممالک اجنبیه
ایچون ۷ فراقدر .

تصوف

صاحب امتیاز و سر محرری
اورفه مبعوفی
شیخ صفوت

مرکز توزیعی باب عالی چاره سنده
جمعیت کتبخانه سیدر

نسخه سی ۲۰ پاره در

التصوف کله آداب : ابوحنس عمر بن مسلمه

عرفای امتک مقالات عارفانه لرینه تصوفک صحیفه لری آچیقدر

تصوفه متعلق مباحث شتادن باحث و مکارم اخلاق اسلامیتک تعمیمنه خادم محله معنویه در

میل به دنیا و بعقبام نیست

غیر خدا هیچ تمام نیست

بیتده تصویر اولدینی کبی رضاء الیهدن غیری بر مقصد وازرو بولناملیدر .


حیدری زاده

ابراهیم

* میرزا صادق مالک اولدینی فضل و عرفانه رغباً ادوار حیاتییه سی فلا کتدن فلا کته انتقال ایدرک اُک نهایتده علیهنده ترتیب ایدلش اولان برساندک نتیجه سی اولهرق ایران شاهی کرم خان زند طرفدن کوزلرینه میل چکدرلک صورتیه نور بصردن محروم ایدلش اولان فلا کترده کان اکابر شعرانددر .

شاعر مشهور سنبل زاده وهینک دولت علیه طرفدن سفارت فوق العاده ایله دیار ایرانده بولندقلری زمان ملاقاتندن بحث ایش اولدینی میرزا صادق ایشته بوذات فضائل سماندر .

بیت اولک مصراع ثانی سی کالای کرانهای ادبی پاره واحسان مقابلنده صامق تنزلنده بولنلش اولان شهنامه صاحبی فردوسی طوسی به برنوع تعریضی متضمندر .



شرح رموزات

« کل یوم هوفی شأن » کلام منیفی موجبجه اسما و صفات واقعی دأرة تعداد و تقریردن خارج اولان رب متعاله حمد و سپاسدن و « انک لعلی خلق عظیم » نص جایی مقتضاسنجه خصائل برکزیده سی تصویر و تخریردن بیرون بولان رسول اکرم صلی الله تعالی علیه و سلم اقدیمزه صلات و نسادن و آل و اولاد و ورثه رسالتبناهی بده عرض تعظیبات و تکریماندن صوکره بیان شروع ایدر مکه: فقیر و قتیله بروسهوی شیخ اسماعیل حق قدس

سره الجلی حضرتلربنک بسمله شریفه نك معانی باطنیه سه رمزا اولهرق « قصده فریده » نامیه اون طقوزیت اوزرینه یامیش اولدینی منظومه یی اوقوش ، متلذذ اولش حتی اکا برشی یازمش ایدم . کسار مشایخ متأخریندن مرحوم شیخ وصفی افندی ایله برکون اشبو قصیده فریده اوزرینه مکالمه جریان ایتدیکی صرده منلا جامی قدس سره العالی حضرتلربنک دخی عین معنای ایضاحاً اون طقوز یتلی بر منظومه سی اولدینی مرحوم مشار البهین خیر المقلع اوزرینه مرافقه دوشه رزک انزلک همبیله اثر مذکور دسئرس اولهرق اکا دخی اشبو شرحی یازدم واسعی (شرح رموزات جامی) قویدم .

حضرت منلا جامینک اقتداری اوزرینه سوز سوبله مکی زائد کوریم . اشبو رساله یی اخوان طریقم اولان سالککری حل رموزانه تشویق ایچون نشر ایدیورم . مطالعه ایده جک ذوات بوندن جزئی بر نشئه معنوی طویاریسه بوشرفده فقیری احبا ایدر .

« وهو علی کل شیئی وکیل »

شیخ رضاء الدین رمزی الرفاعی

بِسْمِ اللَّهِ الرَّحْمَنِ الرَّحِيمِ

اعظم اسمای علم و حکیم

معنای: علم و حکیم اولان الله اسماء اسمالربنک اعظمی « بسم الله الرحمن الرحيم » در .

شرحی: بسمله شریفه نك تفسیری آریجه بر رساله مخصوصه مزده مندرج بولندیقندن بوراده تکراردن صرف نظر اولدی .

اسم اعظم بجنه کائنجه: حجاب حق اسماء لایناهی سی جمله - اصله نسبتله - عظیم ایهده بونلردن اسم اعظم هانکیسی اولدینی بیلمک ارباب علم و عرفان ایچون بر مسئله معنایا تشکیک ایلش و بر جوق ذواتی قبل و قاله سوق ایتشدر . بعضار « احد ، صمد ، محیط » کی

اسمائک اسم اعظم اولدینگی در میان ایشلر و اهل کشف و مشاهدہ ایسه بو کیفیت صراحهً بیلدر مامشاردر .

مثلاً جامی حضرتلری دخی بویتده بسمله شریفه نك اسم اعظم اولدینگی در میان بیورمقده درلر .

بسمله شریفه یالکذر بر اسم اولسوب اسماء اربعه دن مرکب بر حله اولدینندن مقصد عالیری اسم اعظمک جمله شریفه مذ کوره مندرج و مندمج بولندینگی بیان اولسه کرکدر . بوتقدیرجه اسم اعظم یا لفظه جلال ، یاخود رحن ورحیم اسملری اولدینی ویاخود جمله مذ کوره نك حقیقت معنایده مستنداً موجود بر اسم بولندینی اکلایمقده در .

محرر فقیر ؛ روایات مختلفه فی توفیق ایتک ایچسون شومطالعده بولنورمکه حضرت مثلاً جامینک :

« اعظم اسمای علم و حکیم »

بیورملرینه و علم و حکیم کی اسماء صفت معنایده افهام ایلسته کوره اسم اعظمک صفت معنایه گیلان بر اسم اولسی تظاهر ایدر . بسمله شریفه ده ایسه صفت معنایی مفید اولیان اسم لفظه جلالدر . اسم هودخی لفظه جلاله مذموجدر . شوخالده هواسمی هویت مطلقه یه اشارت اوله رق قبول ایدیلر بیلدر و اقبال توحید اولتور .

محترمان حرم انس را

نازه حدیثت ز عهد قدیم

معنایی : بسمله شریفه انس حرملرینک محترم لرینه کوره عهد قدیم دن یکی سوزدر دیمکدر .

شرحی : حرم سرائ انس مقام وصلت الهیدر بو مقامک حریملری واصل لی الله اولان اولیاء الله حضرت ایدر . شوخالده انس حریملرینک محترم لری کل اولیاء الله حضرت ایدر . بوکی ذوات اسماً « تَخَاقُقُوا بِاخْلَاقِ اللَّهِ وَاتَّصِفُوا بِصِفَاتِ اللَّهِ » حدیث شریفی حکمنه ماصدق اوله رق اخلاق الهیه ایله متخلق و صفات الهیه ایله

متصف اولدقلرندن کندیلرندن (وَعَلَّمَ آدَمَ الْأَسْمَاءَ كُلَّهَا) سری ظاهر واسم اعظمه نائیلتری بر امر باهردر . بوکی ذوات عننده بسمله شریف هر نه قدر قرآن کریم ایله نزولی اعتبار ایله یکی بر سوز ایسه ده مناسبه عطفاً تا عهد ازلیده موجود بر اسم اولدینندن قدیم و ابدیدر .

بوراده کی عهد قدیم دن مقصد بزم السسته کی عهد و اقرار روحانی دکدر ، بو عهد قدیم تعین اوله اشارتدر . حالبوکه عالم ارواح تعین ثالث مرتبه سنده در . شو حالده محصول بیت : بسمله شریفه حروف وکلانندن مرکب حادث بر کلام کی کورونمکده ایسه ده حقایق قرآنییه جامع اولدینی جهله معنای قدیم و لایالدر . بونیده اربابی بیلور دیمکدر .

نوزده حرفست که عجمه هزار

عالم ازو یافته فیض عجم

معنایی : بسمله شریفه اون طقوز حرفدر که اون سکز بیک عالم آندن فیض عمومی بولمشدر .

شرحی : اون سکز بیک عالم معلوم اولدینی اوزره اون سکز عالمک کثرت و تفرعانه شاملدر . اون سکز عالم ایسه عرش ، کرسی ، لوح قلم ، افلاک سبعه ، موالد ثلثه و عناصر اربعه دن عبارتدر . وعوالم مذ کوره بالجمله موجوداتی محتوی و محیطدر . شو حالده بسمله شریفه ده محرر اون طقوز حرفدن اون سکزی ذکر اولنان اون سکز عالمه اشارت اوله رق قبول ایدیلورسه بر حرف فضله قالیر که اوده « ب » حرفیدر . بو حرفده اسرار عجیبه وارددر . کندیلی حقیقتده بر حرف ایکن تلفظ اولدینی وقت ایکی حرفه تلفظ اولتور . ایشته اوالف که باده مندبجدر کیزی قالیر . نته کم « بسم الله » کله سنک اصلی « باسم » اولدینی حالده « با » « سین » وصل ایدلش الف محذوف و مستور قالمشدر . ایشته عالملرک اون طقوز نیجیسی بوسردر « الانسان سری وانا سره » حدیث قدسیسی بوسره اشارتدر . او عالم ، عالم

کبرادر و اعظم اسمادر یعنی انسان کاملدر . حضرت شیخ اسماعیل حتی : وسووی بومضمونی بیان ایچون :

برائف بول مکتب عرفانده اول بانی صور
قد خیده ایلوب یای کبی آندن بانی صور

بیور مشالردر . بوصورتده بسمله شریفه نك اون طقوز
حرف اولمی معنای جامع الجمی مفید اولوق و عالم لاهوت
ایله عالم شهود یعنی عالم وجود ایله عالم امکان پیئنده کی اسراری
عیان ایتک ایچوندر .

بسم سه حرفست که کوید بسم
حرز تو در ورطه امید ویم

معنای : بسمله شریفه ده کی « بسم » کلمه سی اوج حرفدر که
بن کافیم دیر امید و خوف ورطه لر نده سکا نسجه در .

شرحی : « بسم » کلمه سنده کی اوج حرف الوهیت ،
نبوت ، ولایت اسرارینه اشارتدر . عالم لاهوت وجبروت
وملکوت شامل اولان بواسرار هر مقصده کافی و هر درده
شافیدر .

حرز — عوالم ثلثه مذکور نك برلشدیکی نسخه
کبرادر .

امید ویم — خوف ورجا احوالیدر . بو احوال
زاهدلره مخصوصدر .

مقر بلره — قبض و بسط

واصلره — محو و نحو

کاملره — جلال و جمال

صورتده تجلی ایدر .

بو صورتده ماحصل بیت : بسمله شریفه عالم لاهوت
وجبروت وملکوتک تجلی ایتدیکی بر نسخه کبرادر که
هر صنف خلقه هنکام ورطه ده تسلیساز دیمک اولور .

باش که کم نیست زدوبین دوکون

نقطه صفت در کنتف او مقیم

معنای : بسمله نك بانی ایکد ، اکسک دکادر . ایکی
جهانی نقطه کی آتک تحتده اقامت ایدمچی کور .

شرحی : بسمله نك بانی ایکی حرف اولدینی بوقاروده
سویلمشدی بو ایکی حرف نور نبوت ایله نور ولایت
اشارتدر .

« ایکی کون » عالم ظاهری ایله عالم باطندر . دنیا
و آخرتدن عبارتدر .
نقطه — نور احدیتدر .

بوصورتده محصول بیت : بسمله ده دنیل و آخرته رونق
ورن نور نبوت ایله نور ولایتی کور که بونلر بانک
تختده کی نقطه دن یعنی نور احدیتدن مستیردر لر دیمک
اولور .

(مابعدی وار)



قصیده فریده

« مابعد »

هر عصرده سلطنت کیمده قرار ایلر عجب
تا خروج مهدی به دك جمله بو آلائی صور

هر عصرده صاحب سلطنت قطب الاقطاب ایسه ده
بونك وكلا و ندماسی دخی واردر . هر برینك اسم حق
مظاهری و بر صفت حق سربدر که : بر آلائی والا
تشکیل ایدوب طور لر بناء علیه بو هیئك جمیع اشباه
صورت تصرف و تأثیر لر بی اوکر نك و ظهور مهدی به
انتظار ایتک لازمدر . مهدی : اعتبار انفسی ایله سالکک
ظهور ولد قلیسیبدر . بو صورتده معنای بیت : اقلیم
نفسده مهدینك ظهورینه قدر سنی اداره ایدن ذوات
مقدسه یی اوکر ن دیمکدر .

ظاهراً مهیدین عیسی افضل اولمشکن ندن
ایلدی مهدی تقدم حضرت عیسانی صور

بو بیت آفاقی اولان سلطنت و مهدی ایله انفسی اولان